



partii naleraq

Nuuk 17. okt. 2019

UPA 2019/40

Jens Napätök, Partii Naleraq

Iqalunnut timmisartukkut pisortat aallarnigaannik aqquaqaqqilissappat tapeeriutsit assigiinngitsut qanoq ittut pisortanut, namminersortunut innuttaasunullu aningaasatigut kingunissaasa takussutissartaannik kingusinnerpaamik UKA2020-imi Inatsisartunut agguanneqartussamik Naalackersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut.

Inatsisartunut ilaasortaqaq Mimi Karlsen, Inuit Ataqtigiit

Inatsisartunut ilaasortaqaq Mimi Karlsen, Inuit Ataqtigiit Naalackersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuuteqarninnut qujanaq.

Siunnersuuteqarfigaat Iqaluit timmisartukkut pisortat aallarnigaannik aqquaqaqqilissappat tapeeriutsit assigiinngitsut qanoq ittut pisortanut namminersortunut innuttaasunullu aningaasatigut kingunissaasa takussutissartaannik kingusinnerpaamik Inatsisartut 2020-imi ukiakkut ataatsimiinneranni inatsisartunut agguasseqqullugit suliamik.

Naggueqatigut Nunavumi suleqatigineri aammalu attaveqatigineri taamatullu kulturikkut imminut qanitariilluta inissimanerput Kalaallit Nunatta nunarsuarmioqataanerani nukittoqutitta attaveqarnittalu ilagilersimavaat.

Nunarsuarmioqatitsinnik suleqateqarnerput minnerunngitsumillu naggueqatitsinni suleqateqarnitsinni uummarissaalluta annertusaajuarnissaq Partii Naleqqamiit pingaartutut isigaarput.

Iqalunnut timmisartumik tapiisalernikkut tamanna aaqqinneqarsinnaanersoq aammalu nukittorsarneqarsinnaanersoq soorunami siunnersuut soqutiginaateqartoq pillugu nalilersuinitanni ilaasimapput.

Nalilersuilluareerluta Partii Naleqqamiit imatut oqaaseqarfigissavarput.

Partii Naleqqamiit isumaqarpugut maannakkut nunatsinni angallannikkut ima aqqittariaqakatsinnik peqartigaagut taakku siullullugit aaqqiiffigeqqaartariaqaripput.

Nunap iluani nunap inuisa pitsaanerusumik akikinnerusumik angallassinnaanngornissaat aqqittariaqarluinnartut pingaaruteqartut salliusariaqartut isumaqarpugut Partii Naleqqamiit.

Nunatta iluani ukiukut kaperlattartuni angallanneq ajorluinnalersarpoq aqqisoqarniarnera sivisuavallaalersumik aqqvigineqarnani aqqiillattaaqinnarnerit atuinneqarmata.

Qulimiguulinnut mittarfiit ullutsinnut naleqquttumik iluarsartuuttariaqartut kinguarsaqqittuarsinnaanngilagut, aaqqiiffigisariaqarluinnalerput.



partii naleraq

Nuuk 17. okt. 2019

UPA 2019/40

Jens Napätök, Partii Naleraq

Qaanaaq Upernavik Uummannaq aammalu kujataani pissutsit naammaginangitsorujussuuput taamatullu sineriatinni aqqissuuffigisariaqarlunnartut utaqqeqqissinnaangitsut piaartumik siullullugit aqqissuussiffigineqartariaqarput.

Nunatsinni timersortartut pitsaanerusemik periarfissarsiortariaqalerput angalasinnaanerat, timersortartut isorliuneruseersut kulturikkut aammalu assigiinngitsutigut tarnikkut timikkullu nukittorsaataasartut unammiarnissaanut angalanikkut periarfissaat pitsaanerulertariaqarlunnartut salliutariaqartut Partii Naleqqamiit isumaqarpugut.

Nunatta iluani utaqqisarfiit umiarsuarmut ilaanissamut aammalu qulimiguullit mittarfiini amigaataaqaat, ilaasut niusarfii talittarfiit allallu amerlaqaat iluarsisariiallit.

Maannakkut angallanneq akikinnerusemik periarfissaqalernissaat pillugu nunanut allanut angallatalernissaq sakkugalugu avammut mittarfiit attaveqaateqalernissarput aqqissuunniarneqarpoq, taava sooq sineriami akiliineruneranik tamanna kinguneqassava.

Partii Naleqqami isumaqarpugut nunatta iluani angallanneq aqqissuuteqqinnissaa pingaaruteqarnertut aqqiffiginissaa salliuseriaqalersooq, nuna allamiut aallaaviuvallaaqaat ila nunatta inui salliulerniarlik angallannikkut aqqissuusseqqinniarnitsinni.

Umiarsuaqartarnek nalilersoqqittariaqartut ilagaat Upernavik ajornangippat Kullorsuaq tikillugu aqqiffiginissaa maani nalilersorneqarlunilu tapersorneqarnikuusoq puigornagu suliaq pingaarnersiunermi ingerlaqqittariaqartoq Partii Naleraq isumarput aaliangiusimavarput.

Angallannikkut nunap inui ajornanginnerusemik angalasinnaalernissaat salliuseriaqartoq aallaavigalugu siunnersuummut naalakkersuisut akissutaat naammagisimaarlutigu taamatut tulleriaarisoqarnissaa Partii Naleqqamiit kaammattuuteqarluta siunnersuut itigartipparput.

Nunap inui pitsaanerusemik akikinnerusemik sumiikkaluarunilluunnit periarfissarissaarnerulernissaat anguniarneqarniarli, angallanneq pitsanngorsarniarneqartoq tamanut atuunniarli qitiusumi inissisimasut periarfissaat pitsaanngorsaaviginiarneqarnerat ajorinngeqaarput, kisianni aamma sineriamiut tamarmik pitsaanerusemik akiinnerusemik periarfissaqalernissaat aalajangiusimallutigu salliutinneqalernissaat pisariaqarlunnartooq taamatut oqaaseqarfigaarput.

qujanaq



partii naleraq

Nuuk 17. okt. 2019

UPA 2019/40

Jens Napätók, Partii Naleraq